

U kalipahakan a mipadang tu tamdaw

Na ira kiya matu'asay micekeruh tu karireng, sinipateli tu cacay a pawti nu belac. Cekeruh han nira babakian ku karireng a marueru, i matini mamelaw nira ci Kulas a mitaelib i tepar nira, pasuwal hantu “wawaaw padange ci baki a micekeruh tina karireng a milawit tina sacakatan, dengay haw?” lingaling satu ci Kulas a paca'ub “naway, a katangasaantu ku tuki nu maku, awaay ku tuki nu maku a mipadang i tisuwa satu.” aru' satu kira babakian a mitala tu mipadangay i ciraan.

Caay ketenes, ira aca kiya micudaday ci Sera han ku ngangan, makamelaw tira babakian suwal satu “bak yaw mangalay haw a padangan nu maku a micekeruh tina karireng a micakat satu?” paca'ub satu kira babakian “ay: hay kapah! satu, pacayi' han tu ci Sera a papipadang a misakilemel a micekeruh a tatusa, sulinay macukeruhtu nu heni kira karireng a takudul.” Hacuwa hakiya kataletay a misakilemel ku heni.

Napahanhan satu namicudad, mabekac ci Kulas a mikilim i ci Seraan, pasuwalsa ci Seraan “napapipadang kira babakian i takuwan, nika caay kangalay kaku a midemak tu matiniay, u awaayay ku nipamaan a demak satu!” paliyaw han ni Sera a paca'ub “caay ka'ulah kaku a midemak tu

matiniay awaayay ku nipamaan a demak ku maan!”

Caay kamasamasa ku nisimsim ni Kulas a pasuwal saca tu “Nika, kiya mipadang kisu i tiya bakian sananay? Ira ku nipabeli nira baki i tisuwan tu pida haw?” tawa satu ci Sera a paca'ub “patelac kisu, awaay ku ni paini nira tu pida i takuwan, pasuwalaw nu maku kisu, mipadang kaku tira babakian, nanu dabak tangasa i matini lipaha:k ku balucu' nu maku, i niyan ku nika'alaan nu maku hantu!” ita u misatamdaway akaa kangalaytu aw, maan ku nipabeli i titaan. A caay kalipahak ku nisimsim, a caay kakapah ku nika'urip tiya remiadan, sisa kahinapadang, tu anu liraku papadangan, kay kapah ku nika'urip, adihay ku cabay atu miteparay i tisuwan, sakiyari kira nipatudung nina suwal tu sakalatamdaw atu sakacaay katarahad ku waway nu nimanima a hayi saan a mipadang tu mamelaway nira atu malitemuhay a demakan sakiyari kira nipatinaku' nira patatudungay tina sasuwalen.

助人為快樂之本

一位老人推著小車，請求 Kulas 幫忙把車子推上山坡，但 Kulas 因為趕時間拒絕了。後來，小學生 Sera 願意幫忙，兩人共同努力將車子推上了山坡。放學後，Kulas 對 Sera 表示，他不願幫忙做沒有回報的事情，Sera 則回答雖然老人沒有給錢，但幫忙讓她心裡感到快樂，這就是她得到的回報。這個故事強調了無私幫助的價值和內心的滿足感。